

Staatâräädi asättäs kielâaašij ráđádállâmkodeest

Staatâräädi miäradâs miäldásávt asättuvvoo:

1 §

Ulme

Kielâlahâasâtem olášuttem já heiviitem ovdedem já čuávum, kielâlij vuoigâdвуođâi olášume ovdedem já čuávum sehe kielâlij tiilij ovdánem čuávum várás lii riehtiministeriö ohtâvuođâst kielâaašij ráđádállâmkode.

Staatâräädi aasât ráđádállâmkode neelji ihán häävild.

2 §

Pargoh

Ráđádállâmkode pargon lii:

1) išedid riehtiministeriö kielâlahâasâtem olášuttem já heiviitem čuávumist, fáárun luhâmáin ovdâskoodán jyehi vaaljâpaje kielâlahâasâtem heivitmist adlemnáál staatâräädi muštâlus valmâštâlmist;

2) tuárjuđ kielâlahâasâtem olášuttem, ovdedid eromâšávt aalmuglâškielâi, sâmikielâi já seevimkielâi kevttim já sajaduv sehe čuávvuđ já ovdedid kielâlij vuoigâdвуođâi olášume, já taan ulmeest táárbu mielđ toohâđ iävtuttâsâid já adelid čiálkkámušâid;

3) ovdedid kielâjuávhui vuárusavâstállâm já oovtâstpargo haldâttâssáin já virgeomâháiguin.

Ráđádállâmkode puáhtá meid:

1) čuávvuđ eennâm kielâtiiljđ sehe aalmugijkoskâsii ovdánem já oovtâstpargo;

2) jieijâs algust valmâštállâđ riehtiministeriö kiävtun avžuuttâsâid kielâlahâasâtmân já ton heivitmân lohtâseijee koččâmušâin sehe toohâđ alguid kielâlij vuoigâdвуođâi já kielâlii oovtâviärdâsâšvuođâ olášume várás;

3) ovdedid eres västideijee vuovvijn 1 § asâttum ráđádállâmkode ulme.

3 §

Čokkiittäs

Ráđádállâmkodeest lii saavâjođetteijee, värisaavâjođetteijee já enâmustáá 20 eres jesânid, main juáhháást lii persovnlâš värijeessân.

Ráđádállâmkodeest láá ovdâstum ráđádállâmkode pargoi tááhust kuávdááh ministeriöh, ton pargoi tááhust kuávdái suorgij, kieldâhaldâttuv já pyereestvaijeemkuávlui haldâttuv sehe kielâtipšom tâi

kielâutkâmuš äššitubdâmuš sehe ráđádállâmkode pargoi tááhust kuávdáš eres äššitubdâmuš. Ton lasseen ráđádállâmkoodán puávdejuvvoje ovdâsteije Svenska Finlands folkting -ornijduvâst, sämitiggeest sehe syemmili seevimkielâ já suomâruátálii seevimkielâ kevttei ornijduvâin.

Ráđádállâmkodde puáhtá povdiđ pisováid tâi koskâpuddâsijd äššitobdeid sehe táárbu miel kuullâđ eres äššitobdeid.

4 §

Tooimâ ornim

Ráđádállâmkodde lii meridemváldálâš, ko čuákkim saavâjođetteijee já ucemustáá peeli eres jesâniijn láá miel di. Kuás ääšist meerridijn iteh sierâuáivileh, äšši meriduvoo oovtâkiärdâniijn jienâi eenâblovvoin. Jis jienah maneh táásá, te ääši čuávdá tot uáivil, mon saavâjođetteijee lii tuárjum.

Ráđádállâmkoddeest lii čällee tâi čällee, kiäid riehtiministeriö meerrid.

Ráđádállâmkodde meerrid jieijâs tooimâ orniimân kyeskee eres monâttállâmvuovijn.

Ráđádállâmkodde puáhtá asâttiđ pargovâljukode sehe táárbu miel juáhusijd tâi pargojuávhuid.

Ráđádállâmkode jesâniijn äššitobdei koloi sajanmäksimist meerrid riehtiministeriö.

5 §

Vuáimán šoddâm

Taat asâttâs šadda vuáimán peeivi máánu 2026.

Tain asâttâssáin komettuvoo:

- 1) staatâräädi asâttâs seevimkielâaašij ráđádállâmkoddeest (690/2020);
- 2) kielâlaavâ olášutmist adelum staatâräädi asâttâs (433/2004) 1 loho.